

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>





佛說大愛陀羅尼經

宋西天譯經三藏朝散大夫試光祿卿明教大師法賢奉詔譯

佛說阿羅漢具德經

宋夏譯經三藏朝散大夫試光祿卿明教大師法賢奉詔譯

佛說八大靈塔名號經

宋西天譯經三藏朝散大夫試光祿卿明教大師法賢奉詔譯

佛說尊那經

宋西天譯經三藏朝散大夫試光祿卿明教大師法賢奉詔譯

佛說大愛陀羅尼經、佛說阿羅漢具德經、佛說八大靈塔名號經、佛說尊那經



清刻龍藏佛說法變相圖

四經同卷

佛說大愛陀羅尼經

佛說阿羅漢具德經

佛說八大靈塔名號經

佛說尊那經

佛說大愛陀羅尼經

宋高僧傳經三藏朝散大夫試光祿卿明教大師法賢奉詔譯

如是我聞一時佛在舍衛國祇樹給孤獨園
 時有海神名曰大愛來詣佛所到佛所已頭
 面著地禮佛雙足却住一面而白佛言世尊
 我有所願利益衆生惟佛哀愍許我宣說爾
 時世尊知大愛心有大利益而告之曰善哉
 善哉汝為利益隨汝意說爾時大愛蒙佛聽
 許而白佛言我與眷屬住於大海多見衆生
 陷於海難愍念此等欲說陀羅尼令彼海難

無能爲害世尊若有善男子善女人乃至苾芻苾芻尼優婆塞優婆夷等聞此陀羅尼讀誦受持及得聞我與眷屬等名者所有大海一切危難悉皆解脫爾時大愛承佛威力即說陀羅尼曰

怛𡵓身切他一引祖嚕祖嚕二吐蘭達哩三引摩賀

引誘哥悉體合二帝四引酤引你瑟哥二合你瑟

計二合阿那護六梭鉢黎七祖嚕祖嚕八三

滿多跋捺哩引二合阿屹你合二作訖哩引二合作

訖囉合二多朗一十補囉儼你引娑嚩引二合賀引

二十

爾時大愛海神承佛聖旨說此陀羅尼已歡喜踊躍禮佛而退

佛說大愛陀羅尼經

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



佛說阿羅漢具德經

宋西譯經三藏朝散大夫光祿卿明教大師法賢奉詔譯

爾時世尊在舍衛國給孤獨精舍之內敷座
而坐有諸苾芻及天龍八部人非人等圍繞
世尊默然合掌聽佛所說爾時世尊告諸苾
芻我今稱讚諸大聲聞能於佛法清淨修持
而於自果皆具已德汝等諦聽善思念之吾
當為汝次第宣說諸苾芻我弟子中有大聲
聞棄捨王位久為出家最初悟道梵行第一
憍陳如苾芻是復有聲聞少貪常喜持頭陀
行大迦葉苾芻是復有聲聞具大辯才智慧
第一舍利弗苾芻是復有聲聞修持精進具
大神通目乾連苾芻是復有聲聞有所觀矚
得大天眼阿你嚕駄苾芻是復有聲聞具足
定慧多聞第一阿難苾芻是復有聲聞善解

軌儀能持律藏優波離苾芻是復有聲聞於
大眾中能說妙法富樓那彌多羅尼子苾芻
是復有聲聞坐卧等物悉皆具足捺羅摩躬
未羅子苾芻是復有聲聞說法之音如師子
吼賓度羅跋囉墮舍苾芻是復有聲聞善解
經律而能論義迦旃延苾芻是復有聲聞能
於佛法信解第一末羯哩苾芻是復有聲聞
修持得果光顯氏族迦留陀夷苾芻是復有
聲聞有所演說具天妙音跋捺哩哥苾芻是
復有聲聞善解美語而能談論童子迦葉苾
芻是復有聲聞四威儀中具大精進率嚕拏
𧰨𧰨𧰨𧰨𧰨𧰨𧰨𧰨𧰨𧰨𧰨𧰨𧰨𧰨𧰨𧰨𧰨𧰨𧰨
速通縛哩𧰨哥苾芻是復有聲聞善能進趣
悟道得果唧哩野哥苾芻是復有聲聞能具
火界神通修伽陀苾芻是復有聲聞捨於上

族而樂出家賢苾芻是復有聲聞釋氏王族
而捨出家優樓頻螺迦葉苾芻是復有聲聞
於靈塔處而先受請布蘭那苾芻是復有聲
聞隨所敷演而有智俱絺羅苾芻是復有
聲聞威儀端謹身貌圓滿烏波細那末竭梨
子苾芻是復有聲聞唯於佛法解義第一半
託迦苾芻是復有聲聞於四諦理能斷疑惑
大半託迦苾芻是復有聲聞言直無隱警誡
諸苾芻劫賓那苾芻是復有聲聞常行警誡
諸苾芻尼難那哥苾芻是復有聲聞人多歸
仰恒得財利細縛羅苾芻是復有聲聞諸根
隱密人所莫測難努苾芻是復有聲聞善持
戒律清淨無缺羅睺羅苾芻是復有聲聞於
所受身少病少惱未酤羅苾芻是復有聲聞
常行布施而能不滅解空第一須菩提苾芻

是復有聲聞於一切時而能少語昂誡帝哩
野苾芻是復有聲聞於宿命智具足獲得所
有往昔種種之事悉能解說輸毗多苾芻是
復有聲聞能修淨行善住山巖護國苾芻是
復有聲聞坐卧等物悉皆具足憍梵波提苾
芻是復有聲聞於進趣中而能得定哩縛多
苾芻是復有聲聞修行能斷已生煩惱那羅
陀苾芻是復有聲聞而能止息未生煩惱彌
企哥苾芻是復有聲聞常具慈行梨婆多苾
芻是復有聲聞能於苦中善行悲行畢陵伽
婆蹉苾芻是復有聲聞具大捨行婆那梨苾
芻是復有聲聞具大捨力得勝苾芻是復有
聲聞於善惡法悉能了達羯諾迦縛蹉苾芻
是復有聲聞於世貪欲悉能速斷難陀苾芻
是復有聲聞於所嗔恚便能速除彌吟羅苾

芻是復有聲聞能修勝果速斷我慢摩那縛
苾芻是復有聲聞於愚癡法而能速斷婆羅
隨惹摩那縛苾芻是復有聲聞清淨修持善
解因果摩那縛苾芻是復有聲聞能修聖果
具大利根盜掘摩羅苾芻是復有聲聞三業
調順諸根柔軟薩哩波那婆苾芻是復有聲
聞於微妙義善能咨問摩喝枳苾芻是復有
聲聞有所言論具大辯才囉陀苾芻是復有
聲聞以甚深義能問於母羯羅波苾芻是復
有聲聞善閑法義結集伽陀縛礙舍苾芻是
復有聲聞所出語言悉皆真實尾舍珂半左
梨子苾芻是復有聲聞以清淨心常樂求法
達哩彌哥苾芻是復有聲聞修歡喜行具忍
辱力布蘭拏苾芻是復有聲聞自內觀法善
達本心野輸那苾芻是復有聲聞於世法中

經九

五

善解占相蜜哩誡尸囉苾芻是復有聲聞以
殊勝心善解妙法達磨哥苾芻是復有聲聞
於欲自在善了去來補特伽羅苾芻是復有
聲聞於一切時而能善語波摩那苾芻是復
有聲聞方便善巧能敷妙法達哩彌羅苾芻
是復有聲聞得妙法義能次第說誡縛捺多
苾芻是復有聲聞於一切時說法無倦割閉
但計苾芻是復有聲聞恒肅容儀常懷歡喜
無能勝苾芻是復有聲聞常具多喜正覺苾
芻是復有聲聞唯於智慧而得解脫善生苾
芻是復有聲聞而能獲得定慧解脫縛澀波
苾芻是復有聲聞能斷其貪瞋謨哥苾芻是
復有聲聞具善解脫吠囉吒星賀苾芻是復
有聲聞清淨修持知已信解又摩哥苾芻是
復有聲聞於世間中最得殊勝摩呬哥苾芻

是復有聲聞智解高深能破外論最勝苾芻
是復有聲聞能具正見善破魔軍妳訖囉咩
唵苾芻是復有聲聞能於智慧善破愚迷惹
伽迦葉苾芻是復有聲聞常行平等僕虞哥
苾芻是復有聲聞修清淨智漸少塵率嚕
拏酤胝羯蘭拏苾芻是復有聲聞於進趣中
具大清淨烏怛嚕苾芻是復有聲聞身貌無
缺諸根圓滿昂儼盧苾芻是復有聲聞而於
修持善解空法仙授苾芻是復有聲聞於空
法中深生信解尊那苾芻是復有聲聞於自
果中唯具神通摩賀哥苾芻是復有聲聞善
能觀於八解脫義信重苾芻是復有聲聞於
威儀中樂妙色衣謨賀囉惹苾芻是復有聲
聞廣談妙理具大眷屬散惹曳苾芻是復有
聲聞定慧具足恒受人天供養善現苾芻是

九

六

復有聲聞發心出家樂修聖行毗舍羅苾芻
是復有聲聞因遇苦緣而乃出家沒羸馳哥
婆囉特惹苾芻是復有聲聞厭離輪迴而求
出家遜那哩哥帝哩野酤苾芻是復有聲聞
悟世不堅深生厭離遜那哩哥婆囉特惹苾
芻是復有聲聞默然止息容儀端謹薩四瑟
努哥苾芻是復有聲聞清淨修持性淳少辯
烏波禰那苾芻是復有聲聞恒獨進修具寂
靜行難禰哥苾芻是復有聲聞善於定慧得
大解脫頭必羅苾芻是復有聲聞於愚迷者
能令清淨龍護苾芻是復有聲聞能修淨行
最後出家須跋陀羅苾芻是爾時世尊復說
頌曰
梵行少貪欲 智慧與神通 天眼及多聞
清淨能持律 坐卧等安樂 具師子吼音

信解與甚深	善分別經律	光顯於氏族
具大微妙聲	精進力難思	善巧能談論
有大速通力	靈塔先受請	直言無隱行
警誡於僧尼	能隱密諸根	恒持清淨戒
於身少病惱	常行於布施	少語恒默然
具足宿命智	坐卧具豐足	常樂住山巖
已生煩惱斷	未生令止息	恒入三摩地
大慈及利益	過失悉能除	悲心息苦輪
常行善惡法	速除我慢相	能斷貪瞋癡
諸根利清淨	善解因果法	能問甚深理
柔軟一切根	具足大辯才	問母甚深義
能宣真實語	善結集伽陀	忍辱力能堅
常樂甚深法	具足忍辱力	善達於本心
占相悉能知	具忍辱歡喜	所欲常自在
深入妙法門	善以慧解心	廣宣微妙法

說法依次第	無倦廣敷宣	歡喜及多喜
證得慧解脫	得定慧解脫	貪欲永已除
深得解脫門	了知自信解	世間得最勝
能破外論師	善開發愚迷	能破諸魔軍
出家捨苦惱	清淨智少塵	圓滿具諸根
解空無二法	具得神通力	善觀八解脫
愛樂妙色衣	有大親眷屬	受人天供養
信心而出家	常行平等行	厭世樂出家
深厭輪迴苦	恒行寂靜心	具少分辯才
止息默然住	解脫行能深	清淨愚迷者
具如是功德	故名阿羅漢	

爾時世尊說是頌已復告諸苾芻曰於此眾中而有十大聲聞我今稱說汝應善聽所謂
 憍陳如苾芻迦旃延苾芻富樓那苾芻薄拘
 羅苾芻離婆多苾芻盜掘摩羅苾芻耶輸那

苾芻蘇惹多苾芻酤胝羯蘭拏苾芻吠舍羅
苾芻如是十大聲聞於此衆中而爲上首爾
時世尊復告諸苾芻曰我今稱讚諸大聲聞
苾芻尼亦於自果而修已德於我苾芻尼中
有大聲聞苾芻尼棄於王族久爲出家清淨
威儀常修梵行臨九摩訶波提苾芻尼是少
貪知足行頭陀行鉢吒左囉苾芻尼是智慧
深廣有大辯才善相苾芻尼是能行善行威
德無過蓮華色苾芻尼是於所修持善得天
眼蘇摩苾芻尼是修聞思慧獲大多聞輸婆
羯哩摩羅女苾芻尼是善能持律軌範無虧
訖哩舍苾芻尼是能於妙法善巧敷宣施法
苾芻尼是恒以慈心宣揚妙法釋女達磨苾
芻尼是精修聖因光顯族氏大白苾芻尼是
志求大果信心出家室珂羅哥長者母苾芻

尼是宿植良因具大福德羅睺羅母耶輸陀
羅苾芻尼是恒慕修持具大精進螺髻苾芻
尼是而於自果能具速通賢苾芻尼是智慧
甚深善解經律妙頭苾芻尼是如是諸苾芻
尼於大衆中而爲上首爾時世尊復告諸苾
芻曰汝等諦聽我今稱說烏波薩哥於信心
中亦修已行所謂初發信心歸依三寶布薩
烏波薩哥跋梨烏波薩哥是住烏嚕尾螺具
足能行清淨戒法那酤羅父烏波薩哥是住
於婆儼數而於衆僧常行布施給孤獨長者
是住於舍衛城臨九曩修聖因具大福德善授長
者是住於舍衛城於衆僧中常施飲食最首
長者是住於廣嚴城恒於佛法僧中而能種
種布施同生長者是住於王舍城恒爲病苦
者而施於湯藥大名長者是住迦毗羅城能

於信心中常行慈悲行蜜茶哥長者是住於
 大賢城能以四攝法善化眾會心賀悉多哥
 長者及阿吒縛哥是同住於大野從初發信
 心而能具大智烏波離長者是住那爛陀城
 能於眾會中談論師子吼勇猛長者是住於
 王舍城善有大智慧九之二能破外論師訥哩目珂
 栗蹉尾長者是住於廣嚴城恒於大眾中廣
 說微妙法唧怛嚕長者是住蘇波羅哥城有
 所談論具大辯才勝軍王是都舍衛城於信
 心中利根第一哥路王弟是住於舍衛城而
 於信心中能具大智慧仙授烏波薩哥是住
 於舍衛城於信心中能持梵行布囉拏烏波
 薩哥是住於舍衛城珍寶具足庫藏豐盈廣
 聚人民多聞第一摩伽陀國頻婆娑羅王是
 都於王舍城常於三寶發菩提心而於世間

多饒其子唵嚩哥長者是住於王舍城信心
 精進能具速通無畏王子是住於王舍城已
 斷根本而生信解摩伽陀國韋提希子阿闍
 世王是都於王舍城如是烏波薩哥於大眾
 中而為上首爾時世尊復告諸苾芻汝等善
 聽我今稱說烏波薩言於信心中亦修已行
 所謂初發信心歸佛法僧難那烏波薩言及
 難那力烏波薩言是住烏嚕尾螺能起初心
 信解戒法諾酤羅長者母是住於婆儼數恒
 於眾僧常行布施毗舍佉母烏波薩言是住
 於舍衛城宿施因豐具大福德哩提羅長者
 母是住於舍衛城修治湯藥施病苦者大軍
 長者婦是住波羅柰城於疾病者而能承事
 善愛長者婦是住於波羅柰城久已發信心
 常行於慈行奢摩嚩帝烏波薩言是住憍睒

九

十之二

彌國而於衆會中多聞能第一酤沒儒怛囉
烏波薩吉是住憍睨彌國善能敷妙法而有
大辯才善意王女是住於舍衛城久發信心
能具大智尊那王女是住於王舍城而於色
相中端嚴居第一正覺王女是住於王舍城
能生信解意善發菩提心沒怛囉長者婦是
住於王舍城於所住世多饒其子吟縛哥長
者婦是住於王舍城恒善能修持而具大精
進率嚕拏長者婦是住於瞻波城恒於衆僧
中能施住止處難那長者女是住於竹林中
久發信心深解禪定哥路烏波薩吉是住於
竹林中如是烏波薩吉於大衆中而爲上首
爾時大苾芻衆及天人阿脩羅等聞佛所說
皆大歡喜信受奉行

佛說阿羅漢具德經

臨九

十一

佛說八大靈塔名號經

宋西天譯經三藏朝散大夫試光祿卿明教大師法賢奉詔譯

爾時世尊告諸苾芻我今稱揚八大靈塔名號汝等諦聽當為汝說何等為八所謂第一迦毗羅城龍彌你園是佛生處第二摩伽陀國泥連河邊菩提樹下佛證道果處第三迦尸國波羅柰城轉大法輪處第四舍衛國祇陀園現大神通處第五曲女城從忉利天下降處第六王舍城聲聞分別佛為化度處第七廣嚴城靈塔思念壽量處第八拘尸那城娑羅林內大雙樹間入涅槃處如是八大靈塔重說頌曰

淨飯王都迦毗城 龍彌你園佛生處
 摩伽陀泥連河側 菩提樹下成正覺
 迦尸國波羅柰城 轉大法輪十二行

舍衛大城祇園內 徧滿三界現神通
 桑迦尸國曲女城 忉利天宮而降下
 王舍大城僧分別 如來善化行慈悲
 廣嚴大城靈塔中 如來思念壽量處
 拘尸那城大力地 娑羅雙樹入涅槃
 如是八大靈塔若有婆羅門及善男子善女人等發大信心修建塔廟承事供養是人得大利益獲大果報具大稱讚名聞普徧甚深廣大乃至諸苾芻亦應當學復次諸苾芻若有淨信善男子善女人能於此八大靈塔向此生中至誠供養是人命終速生天界爾時世尊復告諸苾芻汝等諦聽我今當說遊止國城及於住世而說頌曰

二十九載處王宮 六年雪山修苦行
 五歲王舍城化度 四年在於毗沙林

九

十二

二年惹里巖安居 二十三載止舍衛
廣巖城及鹿野苑 摩拘梨與忉利天
尸輸那及憍睨彌 寶塔山頂并大野
尾努聚落吠蘭帝 淨飯王都迦毗城
此等聖境各一年 釋迦如來而行住
如是八十年住世 然後牟尼入涅槃

佛說八大靈塔名號經

佛說尊那經

宋西天譯經三藏朝散大夫試光祿卿明教大師法賢奉詔譯

如是我聞一時世尊在憍睺彌國瞿師羅林中爾時有大尊者名曰尊那來詣佛所到已致敬頭面禮足住立一面而白佛言世尊無盡功德還可不唯願世尊為我敷演爾時世尊告大尊者尊那言善哉善哉汝能問於如來無盡功德汝今諦聽當為汝說尊那此無盡功德甚深微妙名稱普聞若人歸心獲大果報而此功德乃有七種名聞普徧甚深廣大若善男子善女人發至誠心能具足此法是人於四威儀中恒得增長無盡功德所增功德不可思議不可稱量何等為七尊那若有善男子善女人發大信心布施園林池沼充四方眾僧經行遊止尊那此是第一無

盡功德有大果報得大稱讚名聞普徧甚深廣大若善男子善女人能具足此法是人於四威儀中恒得增長無盡功德所增功德不可思議不可稱量復次尊那若有善男子善女人發大信心於彼林中建立精舍令眾僧安止尊那此是第二無盡功德有大果報乃至名聞普徧甚深廣大若善男子善女人能具足此法是人於四威儀中恒得增長無盡功德所增功德不可思議不可稱量復次尊那若有善男子善女人發大信心於彼眾僧精舍之內布施坐卧之具所謂牀椅氈褥衣被種種受用之物尊那此是第三無盡功德有大果報乃至名聞普徧甚深廣大若善男子善女人發至誠心能具足此法是人於四威儀中恒得增長無盡功德所增功德不可

思議不可稱量復次尊那若有善男子善女人發大信心於彼精舍之內能布施財穀供養衆僧尊那此是第四無盡功德有大果報乃至名聞普徧甚深廣大若善男子善女人發至誠心能具足此法是人於四威儀中恒得增長無盡功德所增功德不可思議不可稱量復次尊那若有善男子善女人發大信心能於往來衆僧常行布施所須之物尊那此是第五無盡功德有大果報乃至名聞普徧甚深廣大若善男子善女人發至誠心能具足此法是人於四威儀中恒得增長無盡功德所增功德不可思議不可稱量復次尊那若有善男子善女人發大信心於病苦者能行布施及看病者亦行布施尊那此是第六無盡功德有大果報乃至名聞普徧甚深

廣大若善男子善女人發至誠心能具足此法是人於四威儀中恒得增長無盡功德所增功德不可思議不可稱量復次尊那若有善男子善女人發大信心或見霜雪嚴凝風雨寒冷而見是已便能修撰種種飲食湯藥卧具衣物鞋履等於衆僧中供給供養如是衆僧風雨不侵不受寒冷承是供養得大安樂尊那此是第七無盡功德有大果報乃至名聞普徧甚深廣大若善男子善女人發至誠心能具足此法是人於四威儀中恒得增長無盡功德所增功德不可思議不可稱量尊那如是七種無盡功德法若有善男子善女人發至誠心具足此法所獲無盡功德不可思議不可稱量功德甚多名大功德蘊尊那譬如五大河恒流其水所謂殞伽河閻母

那河薩羅喻河愛羅縛帝河末呬河而此河水不可限量如是河水乃至盛水之器百數千數百千億數其水甚多名爲水蘊無盡功德亦復如是尊那此七種無盡功德法悉皆具足是善男子善女人所獲功德不可思議不可稱量具大名聞及大果報功德甚多名爲大功德蘊爾時大尊者尊那復白佛言世尊此無盡功德若人具足此法真實不虛獲大果報具大稱讚名聞普徧甚深廣大佛告大尊者尊那言如汝所說實獲此無盡功德五九果報如是佛言尊那復有七種無盡功德法十五之二有大果報具大稱讚名聞普徧甚深廣大若善男子善女人發至誠心能具足此法是人於四威儀中恒得增長無盡功德所增功德不可思議不可稱量何等爲七尊那若有淨

信善男子善女人聽聞如來或聞聲聞衆在彼聚落或在城隍經行遊止聞如是已生大歡喜起大善意發菩提心尊那是第一無盡功德法有大果報具大稱讚名聞普徧甚深廣大若善男子善女人能具足此法是人於四威儀中恒得增長無盡功德所增功德不可思議不可稱量復次尊那若有淨信善男子善女人聽聞如來或聲聞衆在於路次聞如是已生大歡喜

起大善意發菩提心尊那此是第三無盡功德法有大果報乃至名聞普遍甚深廣大若善男子善女人能具足此法是人於四威儀中恒得增長無盡功德所增功德不可思議不可稱量復次尊那若有淨信善男子善女人聽聞如來或聞聲聞眾到於聚落或到城隍聞如是已生大歡喜起大善意發菩提心尊那此是第四無盡功德法有大果報乃至名聞普遍甚深廣大若善男子善女人能具足此法是人於四威儀中恒得增長無盡功德所增功德不可思議不可稱量復次尊那若有淨信善男子善女人聽聞如來及聞聲聞眾或於聚落或在城隍自往親近禮拜瞻仰獲瞻仰已生大歡喜起大善意發菩提心尊那此是第五無盡功德法有大果報乃至

卷九

十六之二

名聞普遍甚深廣大若善男子善女人能具足此法是人於四威儀中恒得增長無盡功德所增功德不可思議不可稱量復次尊那若有淨信善男子善女人到於佛所或至聲聞所禮拜瞻仰聽聞妙法聞是法已生大歡喜起大善意發菩提心尊那此是第六無盡功德有大果報乃至名聞普遍甚深廣大若善男子善女人能具足此法是人於四威儀中恒得增長無盡功德所增功德不可思議不可稱量復次尊那若有淨信善男子善女人於如來所或聲聞所聞是法已起大善意歸佛法僧歸三寶已乃至受於如來清淨戒法尊那此是第七無盡功德法有大果報乃至名聞普遍甚深廣大尊那若善男子善女人發至誠心能具足此法是人於四威儀中

卷九

十七

恒得增長無盡功德所增功德不可思議不可稱量尊那如是七種無盡功德法若有善男子善女人能具足此法所獲功德不可限量尊那此七種無盡功德法若有善男子善女人發至誠心能具足此法所獲無盡功德不可限量如是功德名聞稱讚及大果報功德甚多名為大功德蘊復次尊那譬如有五大河恒流其水所謂苑伽河閻母那河薩羅喻河愛羅縛帝河末呷河而此河水不可限量如是河水乃至盛水之器百數千數百千億數其水甚多名為水蘊無盡功德亦復如是尊那此七種無盡功德法悉皆具足是善男子善女人所獲功德不可思議不可稱量具大名聞及大果報功德甚多名為大功德蘊爾時世尊而說頌曰

清淨修禪行 唯修聖跡中 採寶無過海
 如河濟有情 河水無邊際 衆流還復源
 布施獲多福 如河常流海
 爾時大尊者尊那聞佛說已歡喜作禮信受奉行

卷九

十八

佛說尊那經

音釋

胝 張尼切 蹉 倉何切 咩 迷馬切 睽 失冉切

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>

